

# قصة قارون | الحلقة ( 40 ) | #أحسن\_القصص | د. حازم

## شومان

حازم شومان

السلام عليكم ورحمة الله وبركاته. اخواني واخواتي في الله احبابي في الله الحمد لله وكفى. وصلوة وسلاما على عباده الذين اصطفى  
اللهم لك الحمد كله و لك الملك كله و بيدك الخير كله و اليك يرجع الامر كله. اللهم صل على عبدك ونبيك محمد صلى الله عليه وسلم -

00:00:37

في الاولين والآخرين وفي كل وقت وحين. اما بعد وحشتنا يا شباب ربنا ببارك فيكم وربنا يحفظكم. يعني بصوا يا جماعة احنا  
الوقتي لو في السينما قدام فيلم انما النور بيتطفى والكل بيطفي بيسكت يعمل الموبايل بتاعه. وما فيش حد بيتكلم يعني آآ يعني  
ازن ان احنا شوقنا -

00:00:57

درس دين او ان احنا نسمع تفسير كلام ربنا سبحانه وتعالى اهم من ان احنا في مباراة دلوقتي مسلا على كافيه من الكافييهات وممنوع  
حد يتكلم او ينطق اظن ان ده -

00:01:17

حاجة مهمة جدا عايزين نركز مع بعض بقى. لعل الله يرزقنا الليلة فهم اية او ايتين من كتاب الله سبحانه وتعالى. آآ آهنتكلم النهاردة  
عن ايه؟ قصة قارون يا جماعة. قصة قارون. يعني خدوا بالكم احنا بنتكلم في تفسير كتاب ربنا ليه؟ عشان نخرج بعمل صالح. ما

حدش عارف العمل اللي هيدخلنا الجنة عملناه ولا لسه -

00:01:27

ما حدش عارف عشان كده لازم نجتهد. انا اتكلم عن قصة قارون في القرآن في سورة القصص. والحقيقة ان قارون ده مش شخصية.  
مش مجرد شخصية. قارون ده اصعب اب فتننة بتعدى في تاريخ اي دعوة من الدعوات. انا باتكلم عن قصة قانون الوقتى لان احنا كلنا  
كدعاه وكملتزمين في الواقع مكويين -

00:01:47

بنار هزا النموذج القانوني. قصة قارون بتمسل اصعب لحظة بتعدى في تاريخ اي دعوة. يعني قصدك ايه؟ لما فرعون جاب لموسى  
سبعين الف ساحر وووقفوا يسحرروا للناس ستميت الف شاب وفتاة. وراجل وامرأة من بنى اسرائيل اتبعوا موسى في اللحظة دي. لما  
فرعون قالوا -

00:02:07

اقتلوا ابناء الذين امنوا معه واستح gioوا نسائهم. فيه ناس دخلت الدين ومشت ورا موسى. لما فرعون قطع السحره وصلابهم فيه ناس  
مشط ورا موسى ولكن لما قارون خرج في زينته حصل شلل دعوي عام. فجأة الشباب بعد ما كانوا بيمشو وراء موسى رغم السجون  
والاذى والبهلة -

00:02:27

الشباب عادوا بيقولوا الدين خنيق. واحنا مش عايزين نتخنق وعايزين نعيش حياتنا. وانتم ليه مضيقينها علينا؟ فجأة حصل شلل  
دعوة رهيب بسبب الفتنة بتاعة قارون. تعالوا يا جماعة ندخل كده في قصة قارون. ونحاول نتجلى من الایات كده ايه الفتنة دي؟  
وايه الموضوع؟ قال تعالى -

00:02:47

ان قارون كان من قوم موسى. على فكرة يا اخواننا قصة اه قارون عشر مشاهد. عشر مشاهد. المشهد الاولاني يعني هل خصها لكم  
الاول وبعد كده ندخل. المشهد الاولاني مشهد البغي. فبغوا عليهم -

00:03:07

المشهد الثاني مشهد الفتح الدينيوي الجبار. واتيناه من الكنوز بعد البغي. يعني انسان باغي وزالم وربنا يديه. يعني واحد بيعصي ربنا  
ودايس في طريق المعصية وربنا يديه مشهد الفتح الدينيوي الجبار بعد مشهد البغي. المشهد الثالث مشهد رد الفعل العام. اذ قال له

00:03:21 - قومه لا تفرح هو

الناس ممکن يترقوا لدرجة ان هم يقفوا في وش الظالم. ولدرجة ان هم ينکروا المنکر ولدرجة انهم يوصلوا للدرجة العالية ديت. هي الناس فيها خير للدرجة ديت المشهد الرابع مشهد الكبر والاصرار. انما اوتیته على علم عندي. انتم انا مستحق للي انا فيه ده. المشهد الخامس - 00:03:41

المشهد الرهيب بقى يا جماعة اللي هو اخطر لحزة في القصة كلها. فخرج على قومه في زينته. لحزة الحرب على الله. مشهد لما قارون قرر ان هو عارف ايه اللي هيضيع الناس كويس مش انهم يسمعوا عن اللي عنده قارون لأنهم يشوفوه. فخرج على قومه في زينته. المشهد السادس - 00:04:01

مشهد الشلل الدعوي العام. يا ليت لنا مسل ما اوتی قارون. الاسر الجبار اللي احدثته الفتنة القارونية في وسط شباب امة وفي وسط عموم الامة. المشهد السابع مشهد الصمود والكافح. من اهل العلم اللي عارفين دورهم. واللي قاموا ب مهمتهم هنا خير اداء - 00:04:21  
وقال الذين اتوا العلم ويلكم. المشهد التامن مشهد الخسف الرهيب. فخسفنا به وبداره الارض فيه اغنيا كتير اوي اوي زلموا الناس وو ولكن ربنا ما خسفش بهم الارض انتقم منهم في مالهم. اشمعنى قارون اللي اتسخف به الارض ؟ اشمعنى ؟ لانه اصبح انسان - 00:04:41

حارب الله بالمال بتاعه. بيحارب الله وبيحارب الدعوة بالنعم بتاعته. المشهد التاسع مشهد رد الفعل. وي كان الله يبسط الرزق من يشاء. هو انتم ما كنتوش عارفين ان الرزق باید ربنا. انتم ما كنتوش عارفين انها ارزاق. انتم كنتفاكرينها بجري الوحش. المشهد العاشر مشهد - 00:05:01

التعليق الرباني على القصة القصة كلها سبع ايات يا جماعة. وبعد كده ايتين تعليق ربنا على القصة. القصة كلها سبع ايات. ولكن عبرة جبارة التعليق الرباني تلك الدار. الله! يعني ايه تلك الدار؟ يعني ايه تلك الدار الاخرة؟ اصل ربنا قال قبلها فخسفنا به وبداره الارض. الاصل - 00:05:21

المزهل الدار المزهلة بتاعة قارون دي ربنا بعد ما خسفها قدام عين الناس قال تلك الدار. الدار اللي انتم متعلقين بها والقصور والدنيا دي لا تساوي شيء بالنسبة للقصور بتاعة الجنة والدار بتاعة الجنة. تعالوا بقى اما ندخل كده في مشهد مشهد من مشاهد القصة. نحاول ان احنا نستجلی يا جماعة اعجاز القرآن - 00:05:41

وانوار القرآن في حياتنا. تعالوا نحاول نستخرج من كنوز القرآن انوار ربنا ينور لنا بها حياتنا. المشهد الاولاني مشهد البغي كان من قوم موسى فبغى عليهم. طب ليه ربنا ما قالش ان قارون بغي على قوم موسى؟ ليه كان من قوم موسى؟ ليه اسبات انه منبني اسرائيل الاول؟ بل كان ابن - 00:06:01

موسى كما قال اکثر المفسرين. كان منهم وبدل ما يرحمهم في الظلم اللي هم فيه. يقوم يدوس على رقبتهم اکتر. يقوم يزلمهم ويحور عليهم اکتر يقوم يفترى عليهم ويبقى الدراع اليمين لفرعون على ايدهم عليهم اکتر. طب هو الاول يا جماعة زي ما اتعودنا هو زمن نزول القصة - 00:06:21

امتى؟ هي زي ما قلنا في قصة المائدة قبل كده وفي قصة توبة كعب. هو زمن نزول القصة امتى؟ سورة القصص كلها نازلة امتى؟ سورة القصص فيها قول الله انك لا تهدي من - 00:06:41

احببت لما قلب النبي انقطع على موت ابو طالب وهو ميت وهو کافر. مات وهو کافر. يبقى القصة بعد موت ابو طالب. وفيها ان الذي فرض عليك القرآن لا ردك الى معاد. الاية اللي نزلت تصرير النبي وهو بيهاجر. وهو اسناء الهجرة وربنا بيقول له هترجع منتصر يا محمد. يا ابن عبدالله - 00:06:51

ردك ربنا هيردك لمکة تانية وانت منتصر. يبقى ازا القصة نازلة يا جماعة في اخر شعب ابی طالب في عام الحزن اول عامل حزن وقت ابو طالب يعني نازلة في وقت عصیب. طب ده زمن حدوس زمن نزول القصة - 00:07:11

زمن حدوس القصة ايه؟ لان الموضوع ده موضوع خطير جدا. هي القصة دي بقى حصلت في حياة موسى امتى؟ خلفية درامية

للاحداس ده علم خطير جدا. هي حصلت ايه يعني حصلت وموسى في مصر ولا حصلت بعد العبور العظيم الى سيناء حصلت امتنى ؟  
كسر من: المفسر بن: قالوا لأ ده في سينا. ولكن: يا حماعة - 00:07:27

لو جينا نشوف يعني بعض الاقوال الثانية هنلاقي ان القصة دي لا يمكن تكون حصلت في سينا. ليه بقى ؟ اول حاجة هو قارون تتخيله هزا الرجل الضلال الكافر ده هو الرجل الرهيب ده و كان هيرضى ان هو هيمشي ورا موسى ويستنى ان هو يخرج ويصطدم بفرعون. لا يمكن طبعا شخصية قارون كانت - 00:07:47

ترضى ان هي توقف هزا الموقف الايماني الجبار ويتبع موسى قدام البحر الاحمر. الحاجة الثانية طب قارون الكنوز بتاعته دي كان هينقلها ازاي، بق، من البحر الاحمر؟ يعني، الكنوز الله، - 00:08:07

مفاتيحها بس تنوع بالعصب والقوة. ما فيش حد يقدر يشيل المفاتيح. كان هيحب منين ناس تشيل الكنوز ديت وتجري بها في البحر الاحمر؟ تالت حاجة لو قارون ما كانش اغتنى، غير - 00:08:17

بعض العبور من البحر الاحمر. الرمل بتاع سينا كان هيچيب منه الكنوز دي ازا يبقى؟ يبقى ازا يا اخواننا كلام غير ان القصص في القرآن كلها بتاعة قانون بتوكل ان قارون كان برعى مين لفرعون او كان سند ذي هامان بالزبط مع فرعون. يبقى ازا زمن حدوس القصة قيال، العبور لسيناء في مصر يبقى، القانون ده - 00:08:27

الشخصية اللي كلنا عارفينها فلان راجل الاعمال الجبار اللي كان واقف جنب الرئيس فلان او فلان راجل الاعمال الجبار اللي استغل فلوسه انه يعمل قنوات تدمير الشباب وتضييع الامة وتفتن الناس. احنا قدام شخصية واضحة وقدام موقف واضح ما تستعجلوش في الحكم على مين هو قارون. لأن احنا في النهاية هنقف وقفه و هقول لك اوعي - 00:08:47

وقارون وهنكلم مين هو قارون اوعي تبقي قارون اصل زمان كان فيه قارون واحد مع موسى دلوقتي فيه الف قارون الوقتي فيه مليون قارون فيه مليون واحد خرجوا على الناس في زينتهم فتنوا الناس. الدرس ده مهم اوي اوي اوي اوي اوي. بالنسبة لكل واحد موهوب لكل شاعر لكل - 00:09:07

كل فنان لكل ملياردير لكل واحد بيطلع الاول على دفعته لكل واحد ربنا ادي له حاجة. الدرس ده بيخاطبه. يبقى المشهد الاولاني ان قارون كان من قوم موسى فبغوا عليهم. طب يعني ايه قارون يا جماعة؟ قارون على وزن ايه؟ قارون اسم عربي اصلا. عربي! هو القرآن مش عربي! هو القرآن ازاي - 00:09:27

يجي فيه كلام الفرازة! هو انا الوقتى لما بحكي لك قصة حصلت بين واحد اسمه بيتر وواحد اسمه جون في انجلترا! وباكلمك باللغة العربية الفصحى! اما احج، اتكلم اقول لك جون - 00:09:47

هو ده مش معنى انها ضد اللغة. هو اسمه كده. انا بحكي قصة اسم كده. وان كان فيه من العلماء من استخرج جذور عربية لهذه الالفاظ  
الا ان الاسم كده. انما تعالىوا - 00:09:57

العربي. قارون على وزن ايه ؟ بالعربي شارون. زي شارون اللي كلنا عارفينه. شارون من يشر. يشر ده يعني اللي هو بقى الایه ؟ المستقيم السوي، ها ؟ طب قارون من يقر. يقر ده يعني ايه ؟ حتى في اللغة العربية القرى اللي هي الفلوس. يقر ديت اللي هو الغني العظيم. الموقر المعظم يعني، قارون معناها - 00:10:07

المعظم اللي الناس كانت مبهورة وبتعمده و بتوقره بسبب الفلوس بتاعته. المشهد الثاني واتيناه من الكنوز ما انما الفاتحة ولا تنوع بالعصبة اولي القوة. مشهد الفتح الدنيوي الجبار. ويا رب الظالم انت بتدي له. هو يا رب الفاسد انت بتدي له. هو يا رب مين قال لكم ان - 00:10:27

هنا معناه ان انا بحب الغني. هو مين قال لكم يا جماعة؟ ان اكتر ناس رينا بيحبها هي الرؤساء والاغنياء ممكن تكون دي ابعد ناس عن رينا اصلا. مين قال لك ان جمال - 00:10:47

المرأة علامة حب ربنا لها. مين قال لك ان قلة الجمال او قلة المال معناها ان ربنا ما بيحبس فلان. عايزين نفهم المقاييس صح واتيناه من الكنوز. كلمة الكنوز دي كلمة يعني انا لو معندي مسلا ملليون جنيه ها وبتاجر لهم دي مش كنوز ليه ؟ لأنها

فلوس آآ رايحة وجایة الکنوز دي - 00:10:57

ارباح بعد المليارات اللي بتاجر بها بقى عندي ارباح لا يحتاج اصرفها في اكل ولا شرب. ولا يحتاج ان انا اتاجر بها حتى دي ماكنز حاجة مكنوزة كده. فقارون فائض الربح بتاعه بس. كان کنوز مفاتيحها بس تنوع بالعصبة اولى القوة. نجيب ناس يشيلوا مفاتيح -

00:11:17

الکنوز بتاعته او مفاتيح الخزائن بتاعته تنوع تميل. يعني هيقع من طوله مش قادر يشيل المفاتيح. يعني تخيلوا يا جماعة سبحان الله! اذا كان ده غنى مخلوق والغنى الله اللي ادى له هزا المال يبقى غنى ربنا قد ايه ؟ يبقى مشهد الفتح الدنيوي الجبار. هنا بييجي المشهد الثالث بقى. مشهد رد الفعل العام - 00:11:37

قال له قومه لا تفرح ان الله لا يحب الفرحين. اذ قال له قومه هو من امته عموم الناس عندهم قوة في رد بالمنزد ده. خدوا بالكم الناس ما اتكلمتش لما القانون بقى. الناس اتكلمت لما قارون اغتنى. يعني للأسف احياناً يبقى رد الفعل متاخر عند كثير من الناس.

طب - 00:11:57

هم من الاول تلقطه وتكلمه وتوعظه. المقصود ان الناس اتكلمت از قال له قومه كلمة غريبة جدا ان الناس تقف وتقول لقارون خمس كلمات دول هم دستور دعوة الاغنياء. دستور دعوة الموهوبين. لاعب كورة مشهور. فنان مشهور مغني مشهور - 00:12:17 واحد مiliاردير ايا ما كان الموهبة اللي ربنا اداها لك. دستور دعوة الاغنياء والموهوبين هم الخمس كلمات دول. القاعدة الاولى لا تفرح ان الله لا يحب الفرحين. القاعدة الثانية وابتغي فيما اتاك الله الدار الاخرة. القاعدة الثالثة ولا تنسى نصيبك من الدنيا. القاعدة الرابعة -

00:12:37

واحسن كما احسن الله اليك. القاعدة الخامسة ولا تبغي الفساد في الارض. ان الله لا يحب المفسدين. شيء مزهل يا جماعة ان العوام قالوا هزا الكلام القوي ده بيقولوا لا تفرح لا تنسى لا تبغي تلات نواهي وفي امررين ابتغي فيما هو ايه ده هم العوام بيتكلموا بهذه -

00:12:57

وبهذه المعاني الجبارة. عشان كده بعض المفسرين قال لك ده مش العوام اللي قالوا كده. امال مين ده موسى. لأنّه ربنا قال از قال له قومه. قال لأنّا امال في بعض المفسرين - 00:13:17

قالوا ده موسى ليه ؟ مش مصدقين ان العوام ممكن يخرج منهم الكلام الجواهر ده. موسى تعب مع الناس في الدعوة، وتعب مع الناس في التربية. فخرجت ثمرة عالية. ودي رسالة - 00:13:27

لكل داعية ومربي الناس مليانة خير. الناس محتاجة حد يخرج الخير اللي جواها. الناس لما موسى اهتم بها خرج منها هزه الکنوز الخمسة. طب تعالوا نشوف الخمسة الجبارة ده. الکنوز الاول لا تفرح ان الله لا يحب الفرحين. الواحد حزين او ي يا جماعة ومتالم. وهو شايف الناس واقفة قدام - 00:13:37

قرؤن وبيقولوا له الكلام ده كله. قارون قاعد يبص لهم. الناس دي بتتفكر بيص لهم. انت لكم يعني يعني الشرف بتاعكم طلع علي انا. طيب قارون بعد كده لما لقى الناس بتتكلّم معه قال انا مش هاكلّمكم مش هارد عليكم. هو انا لسته هاقد انك فيكم! انا هاوريكم اللي عندي - 00:13:57

قارون شخص ان لو عايز يشق المجتمع بدل ما يقعد يكلمه بدل ما يقعد يسجنه لا ده يوري له الدنيا والفتنة بتاعة انا هاوريكم النعيم اللي انا بتمتع به جوة القصور وما حدش واحد به باله. انا هاخرج لكم النساء الباهرات. اللي ملك يمین لي. انا - 00:14:17 خرج لكم نجوم هوليود. نجمات هوليود وملكات جمال العالم اللي هم يمشون موكب حواليا كده. هاخرج لكم اقوى رجال في العالم وهم حاشية حواليها موني هخرج لكم اخطر عربيات في الدنيا عمركم ما تخيلتم ان فيه عربية منها اصلاً موجودة بالمنزد ده وهمشى لكم خمسميت سنتيمتر عربية في الموكب - 00:14:37

ورايا كده انا هاوريكم الذهب اللي عمركم ما شفتوه. والجمال اللي عمركم ما تخيلتوه. واللبس اللي عمركم ما تصورتوه. والمتع والدنيا انا هاوريكم الدنيا انا هاوريكم الفيس. انا هاوريكم السوشیال میدیا. انا هاوريكم الاف القنوات على الفضائيات تعرفكم الدنيا وصلت

رهيبة. يعني الناس يا جماعة كانت سابقة قدام قارون طول ما كانت سامعة على النعيم بتاعه ما شافتلوش. لما قارون في اخر القصة خرجوا وراهم النعيم الناس دي كلها معظمها وقع. للأسف الشديد ليه ؟ اهل الباطل فاهمين وروهم. زي امرأة العزيز لما نسوة المدينة قعدوا بنتقوها فيها وبفضحهها - 00:15:17

قالت كده هو انت سامي عن جمال يوسف؟ فعاملين لنفسكم فيها كده. تعالوا اما اوريه لكم بعينيكم. قطعوا ايديهم وشاركونها في المؤامرة على يوسف اهل الباطل فاهمين ان لو عايزين تضيعوا الالتزام من المجتمع بدل ما تحبسوه وتسجنوه وروهم الدنيا -

00:15:37

ما حدش هيقدر يقاوم في اللحظة دي. يعني عايز اقول ايه؟ هو المعلومة اللي انا قاعد الف وادور فيها ديت قصدي منها ايه؟ عايز اقول لك ايه. عايز اقول لك عايز اقول لك حصن قلبك. الفتن جاية جاية - 00:15:57

عايز اقول لك ان فيه فتن ممكن تيجي انت ما تقدرش عليها. الناس دي كانت بتقول لقانون الكلام الخطير ده بس كان جواها بزرة. قارون عرف يستغلهما بعد كده عالج البزرة دي من دلو قتي. وعايز اقول لك لا تمدن عينيك. انت اضعف من انك تسبت قدام فتن الدنيا. عشان كده ربنا قال لك مش هتقدرى تغمضي عينيك. لو - 00:16:07

في الباطل مش هتقدرى. لا تمدن عينيك الحل نصرف عنينا عن فتن الدنيا. طب الخمس كلمات الخطيرة اللي قالها هؤلاء الناس. قالوا خمس كلمات. الكلمة الاولانية لا تفرح ان الله لا يحب الفرحين. يعني ايه؟ هو امتى افرح بالفلوس؟ لما الفلوس تبقى هي الغاية بتاعتى. هو انا الوقتى لو جا لي مليون جنيه مسلا لو - 00:16:27

انا راجل متدين انا مش هفرح بالمليون جنيه امال افرح ايه! اما بقى اصل رحمي بهم وبر قرائيبي بهم. وآآ اكفل ايتام بهم. واصرف عن دعوة منهم واقف ساعتها افرح بقى لان الغاية بتاعتي هي الطاعة. انما امته افرح بالفلوس لما تبقى هي الغاية؟ لما يبقى ما عنديش اخرة يتمنسل غاية - 00:16:50

يعني ايه لا تفرح ان الله لا يحب الفرحين؟ اوعى الدنيا تبقى هي الغاية. معنى انك تفرح بالدنيا ان الدنيا هي نهاية المطاف بالنسبة لك. فانت فرحان ان انت خدت فيها، اوعى تبقى الدنيا لغاية - 00:17:10

اتنين وابتغي فيما اتاك الله الدار الآخرة. ما قالوش ابتيغي بما اتاك الله الدار الآخرة. لا ابتيغي فيما اتاك الله. اصل الدنيا ما تساويش انها تبقى تمن للجنة. ابتيغي فيما اتاك الله الدار الآخرة. يعني حول الموهب اللي ربنا اداها لك. حول الزكاء اللي ربنا اداه لك - [00:17:20](#)

حول الشعر او الفن او الموهب الفنية اللي ربنا اداها لك. حول التفوق اللي ربنا اداه لك. حول الفلوس اللي ربنا اداها لك. حول قل الزرية اللي ربنا اداها لك. حول الموهب او العبرية اللي ربنا اداها لك لاسانسir تطلع عليه الى رضا الله. يعني استعمل - [00:17:40](#)

للي ربنا اداها لك انها تبقى وسيلة لطاعة ربنا ورضا الله وابتغي فيما اتاك الله الدار الآخرة. كلمة تمسل رسالة لكل انسان ثلاثة ولاتنسى نصيبك من الدنيا. كلمتين حلوين او كلمة لا تنسى يا جماعة كلمة واقعية او اي. اصل الانسان اللي مشغول بالآخرة فعلا -

00:18:00

يبينسى ان في دنيا. عارفين احد السلف لما قيل له لما لم تتزوج؟ اخر عمره قال لو ذكرتموني لفعلت. انا مشغول يا اخواننا الكلام مش  
كلام آآ الكلام ده حقيقي. الكلام الانسان المشغول بالآخرة وقلبه مليان بمعانى الآخرة يبينسى ان هو يشتغل عشان الدنيا اصلا. فمحتاج  
ان - 00:18:20

يقال له ولا تننس. طب يعني ايه نصيبك من الدنيا؟ المفسرين اختلفوا على تلات اقوال هنا. القول الاولاني جمهور المفسرين وابن عباس رضي الله عنه ايه بقى نصيبك من الدنيا اللي هو العمل الصالح. قالوا كده اياك ان تضيع عمرك دون الخروج بالاعمال الصالحة. قال، لك ده نصيب من الدنيا - 00:18:40

الصالحة اللهم هي النصب يتبعك هو الاعما

افنكرته النهاردة وانا ماشي في جنازة لاحد الامهات الفاضلات وبيص كده وهي متكفنة يعني يا رب يعني الانسان هيموت عشان

يجب عقارات ويجيب سندات ملكية ويجيب عقود ارض ويجيب وفي النهاية الكفن ما لوش - 00:19:01

جيوب مش هيخرج غير بالكفن. القول الثاني نصيبيك من الدنيا اللي هو الكفن. قالوا الكفن ده الحاجة يعني وحيدة اللي الانسان بيخرج بها من الدنيا. طب والقول الثالث قالوا نصيبيك من الدنيا ده قول الامام مالك بقى. نصيبيك من الدنيا اللي هو الاستمتاع بالطبيات. ايه المشكلة - 00:19:21

قالوا اصحاب هزا القول الله يحثك على الاستمتاع بالطبيات. الله اه هي مش اوضة يا حضرة. اصل ده راجل غني. لازم ادي له طرح متوازن للدين. هقول له الدين ما فيش في دنيا هيطفش. ولازم الملتمز نفسه بيقى انسان متوازن عشان الناس تتعلم التوازن. يعني الاستمتاع بالطبيات من الدنيا دي عبادة. زي - 00:19:41

الاجتهاد في العبادة دي عبادة. ولازم الملتمزين بيقوا ناس متوازنة في حياتهم. ولا تنسى نصيبيك من الدنيا. اربعة واحسن كما احسن الله اليك. يا اخوانا الدين تلات درجات. الدرجة الاولى الاسلام. الدرجة الثانية الایمان. الدرجة الثالثة الاحسان. يعني ممكن يقولوا اسلم وممكن يقولوا له - 00:20:01

امن قالوا له احسن الاحسان ده ان تعبد الله كأنك تراه. يعني لما شكلوه ووجهوه ووجهوه لاعلى مقامات في الدين. احسن يعني خليك في قمة الدين. الله! قمة الدين ازاي يا اخوانا! ده انت بتكلموا راجل ضلالي. بتشكلوه على قمة الدين. ليه يا جماعة؟ ليه اللفظ ده؟ جه في دعوة ذلك الملياردير - 00:20:21

القاروني عشان عدّة اسباب. اول حاجة ان اولى الناس بالسوق للجنة هم الاغنيا. يعني احنا ممكن نكون قاعدين الحمد لله ده انا النهاردة يعني ما شاء الله يا جماعة امسكوا يعني ايه اه قولوا ما شاء الله لا قوة الا بالله ده انا فاطر لحمة ومتغدي سmek مشوي مسلا يعني - 00:20:41

انما يا حبيبي هو انت عارف الاغنياء بيأكلوا ايه؟ بيأكلوا حاجات ما نعرفهاش اصلا. ده فاضل استاكوزا بالمش عارف ايه ومتغدي كابوريها محشية ايه ما شاء اه ده انا كنت امبارح في راس البر يا سلام! يا عم انت عايشها كده ليه! عايش مين يا عم! الناس دي لما بتتفسح! بتتفسح في حنت ما يعرفهاش اصلا! الناس دي لما بتروح فندق - 00:21:03

في فندق بالف دولار الليلة بعد الدولار ما بقى داكل على عشرين جنيه. الناس دي يا اخوانا عايشة حياة ما احناش عارفيناها اصلا. طب المفروض بقى يفتن بالكلام ده عن - 00:21:23

لأ ده المفروض يشتاق للجنة. ليه؟ لان نعيم الدنيا بيفتح المدارك. اذا كان ده ما اعد البشر للبشر. امال ما اعد رب البشر عشان كده قالوا له احسن لان المفروض ان انت فيه يشوقك بقى للجنة اكتر. الحاجة الثانية هو انت فاكر النعمة اللي ربنا ادها لك دي ما لهاش ضريبة؟ يعني - 00:21:33

يعني اللي اللي بيأكل فول كل يوم هيتحاسب زي اللي بيأكل لحمة كل يوم! يعني الجعان ومش قادر يقوم الليل هيتحاسب زي اللي واكل مسلا قد ايه كده وممكni يقىي يصلي تلات ساعات مش هيهبط ولا هيودوخ. بيقى هي دي القضية ان ربنا ادك نعم لا ضريبة. انت اللي ربنا اداه لك. بمستوى النعم اللي - 00:21:53

ربنا اداه لك واللي ربنا اداه لك انت المفروض تبقي من العابدات عشان تكافئي انك بس بيقى لك حجة امام نعم الله سبحانه وتعالى. الحاجة الثالثة يا جماعة ان ليه احسن قالوا لده احسن؟ هو انت في الدنيا هتموت على انك تبقي مiliاردير؟ وهتموت على انك تبقي رقم واحد في قائمة اغنى ميت مiliاردير في العالم. وفي الدين اي - 00:22:13

كلام وخلاص اشمعنى في الدنيا طموحين وفي الآخرة زاهدين زي ما انت في الدنيا عايز تبقي احسن واحد لازم في الآخرة تبقي نفسك انك تبقي احسن واحد واحسن كما احسن الله اليك. عامل ربنا زي ما ربنا عاملك. ربنا ادي لك من غير ما تطلب. ربنا ادي لك من غير ما ينزلك في الطلب. ربنا ادي لك - 00:22:33

ربنا ادي لك وبيديك دايما احسن كما احسن الله اليك. الحاجة الخامسة ولا تبغي الفساد في الارض ان الله لا يحب المفسدين يعني ايه ولا تبغي الفساد في الارض؟ اووعي تستعمل النعم في معصية ربنا. اووعي تستعمل النعم و تستقوى على اجتراء و تعدى حدود ربنا -

النعمه اللي ربنا اداها لك. يعني ان الله لا يحب الفرحين. ان الله لا يحب المفسدين الناس دي عندها افق عالي قوي في حب الله. وبيقولوا القارون خاف انك تخسر حب الله. ايه الكلام العالي ده يا جماعة؟ المشهد الرابع مشهد الكبر والاصرار. قال انما اوتني -

00:23:13

على علم عندي. انتم عارفين يا جماعة يعني ايه على علم عندي؟ فيه ناس كتير يعني المعنى الاولاني المتبادر انا عندي علم بالتخطيط والادارة في العلوم الدنيوية اللي انا باعرف اجيب بها فلوس والكلام ده مزبوط. امريكا دواء واحد زي اليوناسيين كسبت منه مليارات قد ايه من ورا العالم. امريكا دواء واحد بس - 00:23:33

في علاج اي فيروس او اي آآ او هيباتيس او مسلا فيروسات الكبد او كسبت مليارات ممليحة. العلم يا جماعة بيجيب اموال جباره هو الفيمتو سكند ده الفيمتو تكنولوجي دي والاستيم سيل تكنولوجي. الكلام ده امريكا كسبت من وراه مش مليارات كسبت من وراء ما -

00:23:53

فوق المليارات من الاحصاء والعدل. ببقى العلم بيجيب فلوس فيبيقول انا عندي علم. فكسبت فلوس. انما فيه مفسرين قالوا لأ ده مش معقول. المفسرين اقوياء جدا جهابزة. قالوا لأ ده مش قصده - 00:24:13

كده ده قصده انما اوتتيوه على علم اي على علم من الله بما عندي من الصلاح. ربنا يعلم ان انا احسن واحد في الدنيا فالداني ده لانه يعلم الخير اللي جوايا. شوفوا بقى القهر اللي بيقهر به. الفقرا اللي جهال في الدين ومش عارفين. عشان كده بيقول لك انما اوتيت -

00:24:23

تتيتو ده ربنا اداها لي. اوتيت يعني ربنا اداني على علم بما عندي من الصلاح والتقوى والخشية. اوعوا تتأسروا اوعوا ان الغني ربنا ادي له لانه بيحبه. والفقير ربنا ما ادالوش لانه حاربه لانه ما بيحبوش ابدا. ده ده سؤال في امتحان الغني اسمه الفلوس. وسؤال في امتحان - 00:24:43

هل الفقر اسمه الفقر ولازم ده يجاوب على السؤال صح وده يجاوب على السؤال صح قال انما اوتتيته على علم عندي. اولم يعلم ان الله قد اهلك من قبله من القرون. من هو اشد منه قوة واكثر جمعا؟ جمعا هنا يعني في - 00:25:03

استماع للناس حواليه. انت مغورو بالناس اللي ملفوفة حواليك ليه؟ مغورو بالدنيا كلها اللي مجتمع عليك ليه؟ عشان كده شف بقى الضربة اللي جت في الاخر ولا يسأل عن المجرمون. يعني ايه ولا يسأل عن ذنبهم المجرمون؟ آآ اول معنى ان يعني قارون او في ناس من كتر - 00:25:19

حدش اصلا لو شافها بتتسحل في جهنم يوم القيمة هيقول يا رب انت عملت فيه كده ليه؟ الكل عارف ان ده مجرم. فربنا بيرميه في نار بلا حساب خلاص اترم على جهنم وعلى طول. والعياذ بالله. يا اما يا جماعة من قول الله سبحانه وتعالى ولا يسأل حميم حميمما. ما حدش هيعبره يوم القيمة. ولا يسأل عن ذنبه - 00:25:39

المجرمون يعني الاجتماع حواليه. قارون النهارده لو صابعه وجعه ولا طلع دمل في ايده ولا رقبته وجعته الدنيا كلها هتلت حواليه ليه؟ عشان فلوسه عشان مركزه. انما يوم القيمة بيقى نكرة. ما فيش حد هيبيص له. ما حدش هيعبره هيتمرمغ في ارض المحشر ما حدش هيبيص له. ولا يسأل عن ذنبهم - 00:25:59

ما حدش هيبيص له المشهد الخطير بقى. واللحظة الفاصلة والايام اللي بتلخص الواقع اللي احنا عايشين فيه. فخرج وجعل قومه في زينته. فخرج قارون في الاية اللي قبلها قال انما اوتتيته على علم. قانون بيتكلم انما هنا قانون بينفذ - 00:26:19

قارون حس ان الواقع ده مش هيتغير طول ما هو بيواجهه. لا لا لا. انا هاعمل حاجة ما حدش هيقدر ان هو يواجهها. خرج اللي الباطل قرروا ينزلوا للناس. اهل الباطل قرروا ينزلوا الواقع. خرج على على دي استعلاء. يعني خارج من فوق كأنه خارج ايه بقى؟ النجم خارج بقى - 00:26:39

النجم السما النجمة نازلة من السما على الناس بقى. خرج على قومه في زينته. في مش في زينة في زينته. حشد كل ما يستطيع من

المهرات. تخيلوا كده فيه مليارات ما يخرجش غير وحاليه مسلا ايه عشر فتيات من اجمل جميات العالم كده.

ماشيين - 00:26:59

ده ايه ده ده بيقول للناس شوفوا العز يعني. ما هو كل واحدة من دول ده فعلوا فيها تلاتين اربعين مليون دولار. عشان ترضي انها تعيش وسطه بالمنزد ده. فببىقى غنى - 00:27:19

وهي في القانون بهر الناس بالرفاهية. انت بتحب ايه؟ بتحب النساء؟ انا هامشي حوالى ملكات جمال العالم ولا بس فاتن بيه اي شاب بيحب النساء. انت بتحب ايه؟ هتموت على العربيات؟ انا هجيب لك بقى مش اللامبورجيني - 00:27:29  
كريزلر والبنتلي ده انا والهامر ده انا اجيب لك اللي انت ما تخيلتوش اصلا في الدنيا. مش عشرة ولا عشرين ولا خمسين عربية هجيب لك الف عربية انت هتموت على ايه؟ المركز والسيطرة انا هاوريك وانا ماشي على العرش وحالي الدنيا كلها شايالاني. هابهرك بالمركز اللي انا فيه. انت - 00:27:46

بتحب ايه؟ انت بتحب الذهب وعينيك بتتلخع على الذهب. انا هوريك الذهب اللي كل الموكب بتاعي لابسه ان انت ما تخيليش ان الكمية دي موجودة على وجه الارض فخرج على قومه في زينته. خرج بيه لهم اللحزة دي يا جماعة هي اللحزة اللي اتشلت فيها الدعوة. اللحزة اللي مسيرة - 00:28:06

الدعوة وقفت فيها. ازاي؟ اصل خدوا بالكم ده قارون واحد. دلوقتي الف قرون. هو انت كأن الشاب انا بحس ان شبابه عايزين يقولوا يا شيخ هو انت فاكر ان ان الموضوع بقى بنت. ده بقى اوين بوفيه بنات على السوشيال ميديا. اللي انت عايز تكلمها تكلمها. هو الموضوع عاد مخدرات زي زمان وبانجو. ده بقى - 00:28:26

مليون نوع. هو الموضوع بقى طموحات! ده شهادات جبارة وزمالات ومرضات هو الموضوع قد ايه! وبراج الموضوع انت مش متخيل الدنيا وصلت لفين؟ انت متخيل ان الموضوع كان زمان فتنه. ده بقى مليار فتنه هو الموضوع بقى آآ سوفت ميوزك ولا راب ولا ميتال ولا جاز - 00:28:46

ولا روك ولا هيب هوب ولا انت مش متخيل الدنيا وصلت لايه! الشباب الوقتي بقوا البنت ماشية في الجامعة منز العدسات الملونة مع الجمال فبيبصوا لها والبنات واقفين يا ليت لنا مسل ما اوتيت فلانة. يا ريتني مكانك. الشاب ماشي مع اجمل بنت في الجامعة. وراكب افخم عربية والشباب بيبيص - 00:29:06

يا ريتنا مكانك. النتيجة فخرج على قومه في زينته. قال الذين يريدون الحياة الدنيا يا ليت لنا مثل ما اوتي قارون بقى دي اللحزة يا اخوانا اللي وصلت الشباب للدرجة اللي هم فيها دلوقتي. تدخل على الشاب في جولة عايز تدي له سى دي لأن مش عايز - 00:29:26  
شكرا يا عم ده انا باديه لك بيلاش. مش عايز مش هيسمعه. يا عم انا مش عايز يسمع ويروح يرميه. فيه شاب قال لي انا رميته في الزباله عشان ما حدش يخليني اسمع حاجة في الدين. اللي خادمة في الشقة عنده بتمسح وهي منزلة كيس الزباله وقع - 00:30:05  
كيس الزباله على السلم. بيقول لي نازل على السلم لقيت السى دي اتفزعت. هو فيه ايه! مش عايز اشوفه اصلا. تدخل على الشاب انت اسمك ايه انا مايكل وانا جورج في ايه يا ابني - 00:30:25

خايف تقول انك مسلم احسن تسمع الكلمتين في الدين وفي القرآن ليه؟ تدخل الشاب دلوقتي البنت عايزه تلتزم وتلبس حجاب امهات المؤمنين. اول ما تنزل وتشوف البنات والتبرج مش قادرة ما ابلاش زي دول. الكل بيبيص لهم. الشاب بيبيقى عايز يتوب ويلتزم. اول ما ينزل ويلقى صاحبه راكب عربية فور بالي فور - 00:30:35

وطاير وجنبه بنته مش قادر عايز بيقى زي ده. الشباب بعد خرج على قومه في زينته. بعد ما كانوا نفسهم يلتزموا بقى الدين بالنسبة لهم خناقة. ده الدين بالنسبة لهم صعب. بقى الدين بالنسبة لهم قيود. الوضع اللي احنا فيه تنزل في جولة. تكلم الشباب في الالتزام. ما حدش بيرد عليك. ليه - 00:30:55

واول ما واحد قلبه يفتح يقول لك بصراحة يا عم الشيخ احنا كنا متفقين ان لو حد جه يكلمنا في الدين ما حدش ينطق معه عشان يخلص الكلمتين بتوعه يكتبهم ويسيبنا ويمشي. مش - 00:31:15

عايزين خناقة ايه اللي حصل يا شباب؟ تقف مع الشباب احنا عايزين نطفش من البلد احنا يا ابني فوق يا بنى انا اللي افوق يا شيخ  
فق انت انت مش شايف اللي احنا فيه! انت مش شايف البنات وصلت ليه! انت مش شايف القنوات! انت مش شايف الدنيا! انت مش  
شايف العربيات والابراج والاموال والدولارات! انت مش شايف الجنية بتاع - 00:31:25

البلد بقى عامل زي ورق الجرائد ، انت مش شايف الشهادات العالمية اللي بياخدتها بيحصل له ايه ؟ انت مش شايف انتم اللي عايزين  
تفوقوا. مش احنا اللي عايزين نفوق يا عم الشيك - 00:31:45

تفق مع الشباب اهو الاية دي بتلخص اللي حصل. فخرج على قومه عشان كده نفس الكلمة دي ربنا قالها في القرآن في موضع دلي  
بس مع واحد من الصالحين مع سيدنا زكريا فخرج على قومه من المحراب. خرج الصالح لازم يخرج وينزل للناس. زي ما الفاسدين  
يبينزلوا للناس حرام هم ينزلوا - 00:31:55

الشباب يضيعوك. واحنا قاعدين ما بننزلش. وسيدنا زكريا برضو ربنا قال خرج على برضو من علو. اصل سيدنا زكريا واحد نازل من  
السما يعلي ناس انما القانون علا هنا للاستعلاء والتكبر. يعني نفس الكلام حتى سبحان الله يا جماعة كلمة زكريا عكس كلمة قارون.  
سبحان الله! قارون - 00:32:15

الذى ذكره الناس وعظمته الناس. زكريا الذي ذكر الله فذكره الله. يعني ده الناس ذكرته وده ربنا ذكره في النهاية مقال ده ايه ومال ده  
ايه؟ مش عايزين نتفتن. عايزين عايزين نفهم عشان كده قال الذين يريدون الحياة الدنيا. يريدون - 00:32:35  
جريمة يا اخواننا الدنيا ان انا استمتع بالطبيات ده حلال. بل بالعكس ده ممكnen يبقى عبادة. انما ان انا اريد الدنيا. ان انا ارادتني تجتمع  
على الدنيا عشان كده تلات ايات في القرآن يخلعوا القلب. لو الواحد فهمه الاية الاولانية من كان يريد الحياة الدنيا وزينتها. الاية ما  
قالتش انه زنا. ما قالتش انه - 00:32:55

ما لقيتش انه فجر. الاية قالت انه يريد بس من كان يريد الحياة الدنيا وزينتها. نوف اليهم اعمالهم فيها. وهم فيها لا يبخسون. اولئك  
الذين ليس لهم في الآخرة الا النار. وحبط ما صنعوا فيها وباطل ما كانوا يعملون. الاية الثانية من كان يريد العاجلة عجلنا له فيها -  
00:33:15

نشاء لمن نريد ثم جعلنا له جهنم. الاية الثالثة من كان يريد حرث الآخرة نزد له في حرثه. ومن كان يريد حرث الدنيا نؤته منها وماله  
في الآخرة من نصيب. التلات ايات الجريمة فيهم بس يريد. قال الذين يريدون الحياة الدنيا يا ليت لنا مسل ما اوتي - 00:33:35  
قارون يا ريتني مكانك. يا ريتني عندي شعرك. يا ريتني عند جمالك. يا ريتني عندي عربتك. يا ريتني ابوايا كان مركزه زي ابوك. يا  
ريتنى عندي شهادتك. يا ريتني عندي وسامتك ولا فصاحتك ولا عبقريةك ولا زكائك ولا فلوسك ولا عزك ولا ملك ولا يا ليت لنا مثل  
ما ملكت - 00:33:55

تعظيم ما اوتي قارون انه لذو حظ عظيم. لما المفاهيم تنقلب والمفاهيم تبوز. انه لذو حظ العظيم ويجي المشهد السابع مشهد صمود  
اهل العلم وقال الذين اوتوا العلم سبحان الله! الذين اوتوا العلم شافوا زيهما زي الناس. شافوا النساء وشافوا الحرس وشافوا -  
00:34:15

والذهب وشافوا العربيات وشافوا الهيمنة والسيطرة وشافوا انما العلم ربنا عصمهم به. شفتم العلم مهم ازاي يا شباب؟ شفت انك  
تطلبي علم مهم ازاي شفت انك تطلب علم وتدخل معهد من معاهد العلم اللي على النت زي المعهد القرآني الدعوي ولا معهد آآ ابن ابن  
تيمية ولا - 00:34:40

وانك انت تحفظ قرآن شفتم العلم مهم ازاي يا جماعة؟ شفتم العلوم الشرعية بتسببت ازاي؟ وقال الذين اوتوا العلم العلمي هنا طبعا  
بالله والدار الآخرة ويلت ثواب الله خير. كلمتين خطيرتين جدا صرخة بيصرخوها فيهم. الكلمة الاولانية ويلكم يا ويلكم هتودوا  
نفسكم في مصيبة - 00:35:00

هتضيعوا زي ما دول ضاعوا! ايه! ضاعوا! مين اللي ضاعم؟ دول ده دول ممتنعين. ده دول متنغفين. ده دول اخر انتخة وآخر شهر  
واخر فرح. وآخر انطلاق وعايشين شبابهم. مين يا عم وياكم مين يا عم ده الناس عايشة. مين قال لك انها عايشة - 00:35:20

مين قال لك ده ؟ حفت النار بالشهوات. النار من مرة منزراها جميل. انما من جوة نار. الناس دي من برة شكلها جميل، انما من جوة عايشة في نار. كلها خمسين - 00:35:40

بص الملకات جمال هوليد بص للي عاشوها بالطول والعرض دود في دود مرميin في القبر الدود بينهش فيهم. بعد الف سنة شوية تراب ما حدش حد فاكرهم ولا حد داري بهم. ما توصلناش الوقتي وهي ماشية بنتمتع بشبابها وبتكلم ده وبتضحك مع ده. بص لها. ساعة الموت وهي بتقول - 00:35:50

رب ارجعون. ما توصلوش الوقتي وهو طاير بالعربية على الساحل ولا شرم ورایح ناوي على الف كبيرة يعصي بها ربنا. بص له والنبي بيقول على الحوض سحقا لمن بدل بعدي. ما توصلوش الوقتي. ويلاكم اوعوا اتخدعوا بالمنزr اللي انتم شايفينه شايفينه ده. ده 00:36:10 -

من برة والكلمة الثانية ثواب الله خير. خير من ايه؟ خير من اللي ربنا اداه القانون. نعم. انت عايزين تقعنونا ان اللي هيمشي في طريق ربنا هبدي له واكتر من اللي قارون خده ايوة ثواب الله في الدنيا وفي الآخرة خير. لزة الایمان احسن. سعادة الدين اعظم. انك ترفع ايدك تقول يا رب تلاقى ربى - 00:36:30

معك اكبر واعظم. ما يبقاش فلوسك مسلت قطيعة بينك وبين ربنا. جدار بينك وبين ابواب السماء. لا تفتح لهم ابواب السماء عايزين اوعوا اتخدعوا ثواب الله خير. هو فين ثواب الله للخير ده؟ شايفين الملتزمين؟ تعانين. شايفين الملتزمين بيكافحوا ومضطهدين. يا جماعة حفت الجنة بالمكاره - 00:36:50

الجنة من بره شكلها وحش. الجنة من بره بس من جوة جنة. كذلك طريق الجنة. من برة شكله صعب ومشقة وتضحية وحرام ولكن من جوة جنة. جوة الصدور جنة الاتصال بالله. ما توصلهاش دلوقتي وهي ماشية في الحر وتعبانة. بص لها وهي يوم القيمة بتشرب من - 00:37:14

ايد النبي عليه الصلاة والسلام على الحوض ما توصلوش الوقت وهو ماشي بيغض بصره ومكافحة عشان يرضي ربنا بص له وهو تتنزل عليهم الملائكة الا تخافوا ولا تحزنوا. ساعة الموت ما توصلهاش الوقتي وهي ماشية بتقاوم ازاى تسبت وتكلم وما تنتكسش عن الطريق. بالصلة وهي داخلة - 00:37:34

في ايد عائشة وايد في ايد فاطمة الجنة بازن الله. ما توصلهمش الوقت يا جماعة. ويلكم ثواب الله خير. لمن امن وعمل صالحوا ولا يلقاها الا الصابرون. قال لك يعني ايه ولا يلقاها؟ ايه ايه اها يعني ايه الهادي؟ تعود على ايه؟ فيه مفسرين قالوا تعود على الجنة ما حدش هياخد الجنة غير - 00:37:54

صبر على الشهوات في زمن الفتنة. فيه ناس تانية قالت لأ. ولا يلقى الاعمال الصالحة. الا الصابرون. ما حدش ربنا هيفتح عليه بالالتزام الا اللي صبر على الشهوات اللي جواه في زمن الفتنة. فيه ناس قالت لأ لا يلقاها اي الكلام الطيب اللي لاهل العلم قالوه. اللي هو ويلكم ثوابكم - 00:38:14

الله خير. ما حدش هيرزق الكلمة الطيبة. ولا حد من اهل الدعوة واهل العلم هيرزق. انه في النوازل يقوم ويقول كلمة الحق في وجه الظالمين. ويفوق ناس زي اهل العلم في القصة هنا الا اللي صبروا من السخرية وصبروا على فتن الدنيا وصبروا على قسمة ربنا لهم. ورضوا بقسمة - 00:38:34

ربنا لهم في الرزق ولا يلقاها. يلقى دي يا جماعة حاجة يعني عطاءات ربنا. الدين والآخرة ربنا اللي بيديهم. لو انت وقفت على باب هيديكى ولا يلقاها الا الصابرون ويجي المشهد التامن والمشهد الرهيب. فخسننا به وبداره الارض - 00:38:54

ارض. طب يا رب قانون يروح في ستين مصيبة مش في داهية. انما يا رب داره دي مليانة بكنوز وخزانة وذهب. يا رب اديها لنا نستخدمها في الدعوة اليك قوة وفلوسه. هو والفلوس اللي فتنت الناس. يا اخوانا اهم من الفلوس. مصلحة الدعوة مش فلوس. مصلحة الدعوة ان قلبك انت بيقى سليم. وربنا - 00:39:14

سيدنا يوسف يقعد في السجن عشر سنين عشان يخرج في الاخر بمقام ارجع الى ربك. قلبي سليم مية في المية. المهم القلوب. المهم

قلبك مش الفلوس الناس الجهلة اللي تقول لك انت فاتحين العمارة والفلوس بتتصرف واقتصرف البلد. يا ابني الایمان اللي احنا بنرجع  
به هنعمل البلد اعظم - 00:39:34

00:39:34 - به هی عمر الیلد اعظم

هيتسلت عليه. ما تنتقدو ش - 00:39:54

ان اللي بيحصل دلوقتي هيتفخسنا به وبداره الارض. ياه! مين قارون يا اخوانا واحنا بنتكلم في المشهد التامن لازم نقف هنا وقفه.  
هو مين قارون؟ قارون ده انا لما بفتكر الفيس ويفتكر السوشال ميديا اللي عاملين الحاجات - 00:40:14

هو مين قارون؟ قارون ده انا لما بفتكر الفيس ويفتكر السوشيل ميديا اللي عاملين الحاجات - 00:40:14

ادي دول كورونا يا اخواننا. قارون ده كل بنت بتفتتن الشباب والبنات باصين لها ويبيقولوا يا ريتنا مكانك. قارون ده كل واحد رينا ادي له نعم كتير. وادي له كل شاب رينا ادي له واستخدم الحاجات دي في المعصية فقطن كل اللي حواليه وكل الشباب بيقولوا يا ريتنا مكانك. فاكي بـ 00:40:33

ریتنا مکانک، فاکرین - 00:40:33

انا ودودي لمكان دودي بيحب ديانة مملكة آآ بريطانيا وبينهم علاقه ديانا سبنسر. اللي اللي اطلقت من تشارلز الامير تشارلز اه والاعلام  
قاعد يحب قصر ديانة ودودي. والشباب كلهم هيتخنعوا. يا ليت لنا مسل ما اوتي دودي. انه لذو حظ عظيم - 00:40:53

قاعد يحيب قصص ديانة ودودي. والشباب كلهم هيتجنوا. يا ليت لنا مسلسل ما اوتي دودي. انه لذو حظ عظيم - 00:40:53

اهي دي القضية كل واحد اتقال يا ريتني مكانك اهو ده بيحط نفسه مكان قارون. اووعى تبقى قارون وانت مش عارف. اووعى تبقى القانون هو مش انت مش عارف اووعى تبقى فرعون. تخيلوا لما فرعون عرف ان قارون مات عمل ايه؟ يا ترى جنازة قارون دي كان شكاكاها ايه؟  
00:41:13 - سالاها شهد الماحب -

شكلها ايه؟ يا سلام! شهد الواح - 13:41:00

اللي اللي ظاهرة طبيعية جت ولم تتدارك جهود الانقاز انها تنقذه ولكن مات موتة ربنا. موتة طبيعية ايا وهو الان في النعيم مع الله  
يسس انه كا: سنص المط: هكا: هاقف مع قضاة وبحاجة لطا. قوم. اوع. تقد. الشعب الله. اتدخلك - 00:41:33

رسیب انه کان سینصر الوطن و کان واقف مع قضاء و بتحموا لطرا قوم او ع تقد الشعوب الله اندھاک 00:41:33

عليه بجنازة قارون. اوعى تبقى فرعون. هو قارون ربنا خسف به الارض ليه؟ عشان يقول لي فرعون انا اقدر اخسف لك البر والبحر. فرعون بعدها على طول البحر كان لو فيه حاجة جبار وانتقام جبار نازل ربنا بيعت رسائل تمهدية الاول له. الخسف بقارون كان

00:41:53 - أنا لفافة

انت مش عارف ايه اللي هيحصل فيك. عشان كده لما تشو夫 الوقت موتات الشباب البشعة. لما نشووف الوقتي المواتات المرعية  
المفاجئه للـ: القانه، ده قصة موت فحـأة مـقصـة سـمـءـ لـما نـشوـفـ المـقتـ 00:42:13 -

المفاجئة لأن القانون ده قصة موت فحأة. وقصة سوء لما نشوف الوقت - 00:42:13

00:42:25

يبقى دي قضية. امتى هنفهم؟ فيه ناس مش قادرة تترجم الرسائل الربانية. بني اسرائيل هنا ترجموا الرسالة. ويک ان الله يبسط الرزق لمن يشاء ويقدر في شباب ما بيترجمش الرسائل مش عايز يفوق. متاخر ومصمم يكملاها. وهو متاخر فخسنا به وبداره

المفاجأة ان معزز المفسرين بيقول ان قارون كان مسلم وان قارون كان من اتباع موسى يعني زى ما الكفر بيضيع المعصية بتضيع.

00:43:05

ايه يعني ان انا عندي شوية طموحات في المتع وطموحات آآيا جماعة فخسننا به وبدلil الارض دي جت مع واحد من اتباع موسى يعني يعني دي مفاجأة. عارفين مين المجنون؟ المجنون اللي نزل في بحيرة قارون يدور على كنوز قارون. يا عم بص على العبرة. يا

00:43:25 - عم انت تتص

انا عايز بس قيل ما القصة تخلص اقول لك انت انت مين في القصة دى؟ انت الناس اللي اتفتنت اول ما شافت الدنيا واليهمنة

والصور ولا انت اللي من اهل العلم اللي وقفوا يتكلموا ويدافعوا ولا انت قارون نفسك اللي مسلت فتنة لغيرك. انت مين من التلات نمازج اللي القصة بتتكلم - 00:43:45

يا جماعة قضية كبيرة خطيرة ان احنا يعني خسفنا به وبدين الارض دي رسالة من ربنا. رسالة ربانية. كم واحد فينا بيقرأ الرسالة ربانية. وكم واحد فينا عنده امية في ترجمة الرسائل الربانية - 00:44:05

فما كان له من فئة ينصرونه من دون الله وما كان من المنتصرين. الجملة دي اتقالت في القرآن؟ اه مع مين؟ مع صاحب الجديتين في سورة الكهف وما كان له من فئة ينصرونه من دون الله ها وما كان منتصرا. نفس الجملة اللي اتقالت هنا اتقالت هنا. امال الغني بتاع سورة الكهف اللي هو كان كافر؟ ربنا - 00:44:20

اضاع ماله بس ما خسفوش الارض ليه؟ لان قارون استعمل ماله في حرب الدين في معاوادة الله. الثاني ده كان واحد فساده على نفسه المصيبة في اللي فساده بيقى على غيره. اوعي - 00:44:40

تسخر نعم ربنا ان فسادك بيقى على غيرك. لان ده اخطر وضع. ممكن انسان يحط نفسه فيه. المشهد التاسع اللي هو رد الفعل بقى. واصبح الذين تمنوا مكانه بالامس. يقول بالامس اصبح ده بين يوم وليلة. الفرج جه. الصحوة الاسلامية قامت في الواقع - 00:44:54  
بتاع بنى اسرائيل من يوم وليلة. ربنا قادر ان الواقع اللي الشباب منصريين على الدين. ومش راضيين يسمعوا كلام اهل الدين. ينزل الجولات ونكلم طب ويتأسرم واحنا جايين خلاص الدرس اللي انتم قلتوا لنا عليه ولا واحد بيجي. ليه؟ مكبرين بالدنيا واصبح يعني في لحظة ربنا ممكن يغير - 00:45:14

الواقع يعني الوقتي قارون بقى ماضي. قارون بقى ماضي وينتكلم عنه بالزمان الماضي الوقتي. واصبح الذين تمنوا مكانه بالامس يقولون ويي كأن الله يبسط الرزق لمن يشاء من عباده ويقدر وي كلمة ندم يا ندمي يا ندمي على الضلال اللي انا كت فيه - 00:45:34

وكان كلمة تعجب كأن الله يبسط الرزق لمن يشاء من عباده ويقدر. هو ايه ده؟ هم قالوا وييك ان مرتين ويكان الله يبسط الرزق. ووبي  
كانه لا يفلح الكافرون. هو المتوقع ان الزهول الاعظم من ايه؟ لا يفلح الكافرون. ان قارون اتخسات به الارض - 00:45:54  
قارون يتخسف به الارض ويبقى مسلى هو والدار بتاعته. انما دي الكلمة الثانية اللي قالوها. ويكانه لا يفلح الكافرون. ده ده التعجب امال التعجب الاولاني اللي زهلهم ايه ويي كأن الله يبسط الرزق لمن يشاء - 00:46:14

يعني ايه؟ هو هو ايه اللي في ده فيه عجب؟ ما ما ربنا بيدي وبيمنع. هو ايه القضية؟ الناس دي يا جماعة من كتر انبهرها الوضع والزنا اللي فيها قارون البديهيات تاهت منها. فلما اترد لهم بصرهم تاني كأن الله يبسط الرزق لمن يشاء من عباده ويقدر - 00:46:29  
الموضوع طلع ارزاق ما طلعش جري وحوش. الله! طب ما دي ملهيات. كأن غشاوة الطموحات الجباره في بالدنيا كان عميهم على قضية التوحيد في الرزق. ان الرزق باید ربنا. يعني انا مش باقول لك ما تطمحش. مش باقول لك انس - 00:46:49

روحك ان بيقى معك بورد امريكي او بيقى معك شهادة عالمية او تبقى انا باقول لك اوعى تنسى ان طموحك ده في ايد ربنا سبحانه وتعالى يأتي بها الله ان ده في ايد ربنا سبحانه وتعالى. لولا ان من الله علينا لخسف بنا. اخطر كلمة قالوها. لولا ان من الله علينا بان - 00:47:09

اعنى من ان نؤتى مسل ما اوتى قارون كما تمنينا. ان ربنا من علينا انه ما ادالناش مال قارون زي ما كنا بنتمنى. فكنا هنتفتن زي ما اتفتن فيتخفى بنا. يعني هم بيحموها ربنا هنا على نعمة المنع وليس على نعمة العطاء. بيحموها ربنا ان ربنا منعهم. يعني يا اخوانا - 00:47:29

سبحان الله العظيم! يعني الدنيا الحياة الدنيا قائمة بين المنع والعطاء. شوية ربنا بيديك. وشوية بتعنفي. حتى ازا جاء الموت فاما منع لا عطاء بعده. واما عطاء لا منع بعده. بيقى الدنيا سنتها كده بل هنا اسم الله المانع - 00:47:49  
ان المانع ممكن يكون قمة الرحمة. بيحموها ربنا ان ربنا ما اداهمش. ان ربنا منعهم. لولا ان من الله علينا لخسف بنا ثم تمنوا المعصية. تمني المعصية ده احنا كنا نستاهل يتخفى بنا معه لمجرد ان احنا تمنينا اللي هو فيه. فهمه بقى الدنيا نورت وبيجي - 00:48:09

في الختام من الله سبحانه وتعالى تلك الدار الاخرة. وقف النهاردة قدام الجملة ديت قلت يا رب هو المتوقع ان ما كانش ربنا يقول تلك الدار الاخرة. امال ربنا كان يقول ايه؟ تلك الدنيا. لانه - 00:48:29

ربنا جاب منز الدنیا وهو بيتحسف بها. انما ربنا قال لها تلك الدار الاخرة. ليه؟ لأن الدنيا اللي اتحسف بها دي كانت هي الغشاوة. اللي مخليانا ما احناش شايفين اول ما الغشاوة زالت شفتم الاخرة بقى الاخرة بانت. يبقى اللي عمينا عن عزمه الجنة وخطورة النار هو - 00:48:43

محاطة الدنيوية العمیاء. اللي عميانته والانبهار بالمتع الدنيوية. هو اللي عاملها. برضه كلمة تلك الدار. لأن ربنا قال له خسفنا به وبداره. اوعوا اوعوا تنبهروا بالدار بتاعة الدنيا. انبهروا بالدار بتاعة الجنة. تلك الدار الاخرة نجعلها للذين لا يريدون علو في الارض ولا فسادا - 00:49:03

والعاقبة للمتقين اصل في ناس مش مصدقة ان العاقبة وما الامور على حسب الدين. لأن على حسب الدنيا والشهادات والفلوس لا والله العظيم. على حسب الدين نهايات الامور على حسب الدين. وبعد كده ربنا يقول كلمة خطيرة جدا في التعليق. من جاء بالحسنة. انا وقفت قدام الكلمة دي. يا رب ده انت كنت بتتكلمني عن - 00:49:23

كنوز تنوء العصبة اولو القوة بالمفاتيح بتاعتتها يا رب. وفي الاخر حسنة. يعني طب يا رب من جاء بمليارات الحسنات حسنة واحدة هتفرق في مصيرك في الاخرة. حسنة واحدة زي ما نص درجة في السانوية العامة تفرق في مستقبل طالب. حسنة في الاخرة تفرق عشان كده حسنة مفرد - 00:49:43

ومن جاء ليه؟ حافظ حافظت على الحسنة. ما فيش معصية خطفتها منها. السبات حتى الممات. فله خير منه. ومن جاء بالسيئة. طب السيئة مفرد ليه سيئة واحدة بس. ما تتغفرش تضيع الانسان وتضيع مصير الانسان. طب ليه من جاء بالسيئة؟ مش من عمل السيئة - 00:50:03

بعد ميت رمضان وما اتفغرلكيش ؟ بعد ميت فرصة مغفرة بعد بعد ما الف ليلة عدت عليك في عمرك تنزل الملك يقولها فاغفر الله بعد كل ده فلا يجزي الذين عملوا السيئات. هي كانت من جاء بالسيئة بالمفرد في الاول. بقت عملوا السيئات ليه؟ بالجمع - 00:50:23 لأن السيئة مش هتقف عند حد. اللي هي عمل السيئة زي الجبل. هتجيب اللي بعدها. هتجيب اللي بعدها. هتجيب اللي بعدها. فلا يجزي الذين عملوا السيئات. الا ما كانوا يعملون قضية خطيرة جدا يا اخواننا قضية آآ قصة قارون آآ آآ اثرت ان انا اتكلم عن قصة قولون زي ما قلت لكم احنا بنحاول نختار القصص اللي ما جتش في القرآن غير مرة واحدة بس - 00:50:43 آآ على قد ما نقدر طبعا في قصص تانية لها عبر عظيمة وبازن الله نتناولها برضو. آآ آآ انا عايز اقول لكم يا جماعة ان قارون ده مرحلة وامتحان في تاريخ كل - 00:51:03

دعوة من الدعوات. ما فيش زمن ربنا ما بيتليش اهله بالنمزوج القانوني. نمزوج الفتنة الجباره في الاستمتاع بالدنيا. وملکية الدنيا اللي بتخللي ناس كتير اوي تشل رغبتها عن الدين وتبقى عايزه الدنيا. يا ترى انت مين في القصة دي؟ القصة دي رسالة للدعاة والعلماء. قولوا كلمة حق - 00:51:13

قوموا وقولوا للناس ويلكم ثواب الله خير. ما تسكتوش وانتم شايفين الناس بتضيع. القصة دي رسالة لكل قارون. رسالة لكل موهوب اووعي تستغل مواهبك في معصية ربنا سبحانه وتعالى. عشان ما تباقاش قارون او تلاقي نفسك في الاخرة مع قارون. القصة دي رسالة لكل شاب موهوب ابتيغي فيما اتاك الله - 00:51:33

الله الدار الاخرة. سخر مواهبك لنصرة الدين ولنصرة الاسلام. القصة ديت رسالة للعوام في كل مجتمع. اوعوا يتضحك عليكم. اوعوا وتخدعوا زي ما الناس اخدعـت في قارون وبعد موت قارون. القصة ديت رسالة لنا كلنا يا جماعة. القصة دي زي كل قصص القرآن بتخاطبنا كلنا - 00:51:53

بتقول لنا فوقوا واستيقظوا قصص القرآن العظيمة. قصة ان قارون كان من قوم موسى فبغى عليهم. خدنا المشاهد العشرة لهذه القصة العظيمة لهزه القصة اللي قلنا فيها ان اخطر من اخطر العبر فيها ان دهب فرعون ما قدرش ان ان سجون فرعون ومعتقلات

فرعون - 00:52:13

وسيف فرعون ما قدرش يعمل في الدعوة اللي عمله دهب قارون. بيقى احنا يعني ممكن يكون سجون فرعون الدعاء بيكرهوها ولكن فعلا اللي بييشيل الدعوة هو دهب قارون. هو ده اللي بيموت الدعوة. عشان كده عايزين نقاوم حب الدنيا في قلوب الناس. عايزين - 00:52:33

فوق الناس عايزين نوصل رسالة ويلكم ثواب الله خير. دي رسالة في رقبتكم لكم. واليكم ثواب الله خير. كل واحد فيكم وكل واحدة فيكم. تقولوها لاخواتكم كنتم تقولوها لاصحابكم تقولوها لصحاباتكم. تقولوها على الفيس تقولوها في كل مكان. وصلوا الكلمتين دول. وصلوا كلمة ولا يلقاها الا الصابرون - 00:52:53

وصلوا الكلمة دي يا اخوانا عشان لما الدنيا تنجلி لما الضباب بتاع حب الدنيا ينجلி بيقى احنا من الذين اتوا العلم. اللي وقفوا سبتو الناس في الفتنة اللي وقفوا دعوا الناس الى الله - 00:53:13

مین اللي يصلح في هزا الزمن العظيم؟ يعني عبرة اخيرة اختم بها لان قلبي متالم منها اوبي. ربنا بيقول تلك الدار الاخرة نجعلها للذين لا يريدون علو في الارض ولا فسادا. كلمة اغلى من الذهب قالها ابن تيمية في الآية ديت. قال الآية دي قسمت الناس لاربع انواع. فيه ناس - 00:53:26

فين علو وفساد؟ وفيه ناس مش عايزين لا علو ولا فساد. وفيه ناس عايزين علو بس مش عايزين فساد. وفيه ناس عايزين فساد بس مش عايزين مین اللي عايزين فساد ومش عايزين علو؟ قال لك الشباب الفاسد. الشباب اللي عايز يزني ومش مهم ومركزه بقى ولا وضعه. امال مین اللي عايز علو وفساد - 00:53:46

قال لك دول الحكم الزلمة عايز يعلو ولازم الشباب يفسد. عشان يتشغل في شهواته ويفضل الحاكم في المركز بتاعه. قال لك امال مین بقى اللي عايز علو عايز فساد قال لك ده اهل الدين اللي جواهم حب الانا. اللي مش عايز فساد مش عايز الناس تبوز. بس عايز بيقى هو الشیخ والکبیر والی الناس كلها - 00:54:06

ملفوقة حواليه مصيبة ربنا يظهر نفوسنا. قال لك امال مین اللي مش عايز العلو ولا فساد؟ قال لك دول الاتقياء الابرار. اهل الدين الصادقين الاولفياء. بيقى ازا يا اخواننا اية فيها تربية نفسية. تربية نفسية ان ازاي اهل الدين بسبب انهم مش عايزين فساد ولكن عايزين علو. الدنيا كلها ضاعت - 00:54:26

الدنيا كلها خربت. عشان كده بعد القصة على طول ربنا قال للنبي ان الذي فرض عليك القرآن لردهك الى ميعاد. بني اسرائيل بعد القصة ديت اه كانوا خلاص هيعودوا الى فلسطين وهيعدوا وهيتشقى بهم البحر وهيهجرروا ارض مصر. والنبي عليه الصلاة والسلام بعد القصة ديت كان هيهجر مكة عشان يذهب الى المدينة - 00:54:46

المنورة تناسق موضوعي في غاية الخطورة. عايزين نفهم القرآن. عايزينكم ان شاء الله بازن الله اللي عنده اي تعليقات. اللي عنده حاجات استفاد منها تفیدونا. ربنا يبارك فيكم وربنا يحفزكم. لقاء ممتع جميل مع احبابنا ومع اخواننا. ربنا يسددكم وربنا يوفقكم. وربنا يفتح عليكم جميعا في فهم كتاب الله - 00:55:06

اللهم اجعل القرآن العظيم ربيع قلوبنا ونور صدورنا وجلاء احزاننا وذهاب همومنا. اللهم استعملنا ولا تستبدل بنا. اللهم استعملنا لا تستبدل بنا. اللهم استعملنا ولا تستبدل بنا. سبحانك اللهم وبحمدك. اشهد ان لا اله الا انت. استغفرك واتوب اليك. وجزاكم الله خيرا - 00:55:26

ان ادبرتنا داني وان اقبلت ادنامي وان احبيت والاني - 00:55:45